

10. gr.

Reglugerð þessi gengur í gildi 1. október 1936 nema 7. gr., sem öðlast gildi 1. október 1938.

54

20. júlí

Reglugerð þessi er sett samkvæmt lögum nr. 24, 1. febrúar 1936, og birtist til leiðbeiningar og eftirbreytni öllum þeim, sem hlut eiga að máli.

Í heilbrigðismálaráðuneytinu, 20. júlí 1936.

Haraldur Guðmundsson.

Friðg. Bjarnarson.

SAMÞYKKT

55

22. júlí

fyrir Veiðifélag Vatnsdalsár.

1. gr.

Félagið heitir „Veiðifélag Vatnsdalsár“. Heimili þess og varnarþing er að Sveinsstöðum.

2. gr.

Markmið félagsins er að auka laxveiði á félagssvæðinu og arð af henni.

3. gr.

Markmiði sínu hyggst félagið að ná með því:

- a. að friða ána fyrir hverskonar veiðiaðferðum til laxveiða nema stangaveiða samkvæmt þeim reglum og ákvörðunum, er félagsstjórn eða lögmætur félagsfundur samþykkir,
- b. að vinna að ófriðun og útrýmingu sels og annars veiðivargs.

4. gr.

Félagið hefir umráð yfir öllum rétti til laxveiði í Vatnsdalsá, Álftaskálará, Tunguá með Hólkotskvísl, Kornsa og Giljá og framrennsli þeirra. Sömuleiðis hefir félagið umráð yfir allri silungsveiði á svæðinu, að því undanskildu, að lagnetjaveiði fyrir silung er leyfileg fyrir ábúendur á svæðinu frá sjó og fram að Undirfelli. Þó má möskvastærð silunganeta eigi vera meiri en $4\frac{2}{3}$ cm á milli hnúta og netin eigi ná lengra frá landi en lög heimila. Eigi má hafa króka eða fleygnet, er að dómi sérfróðra manna getur talizt veruleg hindrun fyrir laxgöngu.

5. gr.

Félagsmenn eru ábúendur allra jarða á félagssvæðinu, en þær eru: Hjalta-
bakki, Skinnastaðir, Akur, Stóra-Giljá, Litla-Giljá, Beinakelda, Hnausar, Bjarna-
staðir, Másstaðir, Hjallaland með Grundarkoti, Hvammur, Eyjólfstaðir, Bakki,
Hof, Kötlustaðir, Gilá, Marðarnúpur, Guðrúnarstaðir, Kárdalstunga, Þórorms-
tunga, Kot, Forsæludalur, Grímstunga, Haukagil, Saurbær, Ás, Brúsastaðir,

55 Snæringssstaðir, Undirfell, Kornsa, Gilsstaðir, Flaga, Helgavatn, Hnjúkur, Breiðabólstaður, Miðhús, Vatnsdalshólar, Sveinsstaðir, Steinnes, Þingeyrar og Geirastaðir og Leysingjastaðir.

6. gr.

Óheimilt er öllum að veiða lax á félagssvæðinu nema með skriflegu leyfi félagsstjórnar.

7. gr.

Félagsstjórn skal leigja ár á félagssvæðinu eða hluta af þeim einstökum mönnum eða félögum til stangaveiða. Þó má leyfið eigi vera nema til eins árs, nema lögmætur fundur samþykki og tekið hafi verið fram í fundarboði, að slíkt leyfi verði til umræðu. Veiðimönnum er heimil án sérstaks endurgjalds umferð með ánum á veiðiferðum sínum, en gæta skulu þeir þess að gera sem minnstan usla og alls ekki sleppa hestum í slægjulönd manna, og loka öllum hliðum, er þeir fara um.

8. gr.

Félagsstjórn skal sjá um alla veiði félagsins, gera samninga um stanga veiði, sjá um verkun og sölu afla og allt annað, er félagið varðar.

9. gr.

Kostnaði öllum, er félagið kann að hafa, skal jafnað niður á félagsmenn eftir þeim hlutföllum, er arðskrá félagsins tiltekur.

10. gr.

Stjórnina skipa 3 menn, formaður og 2 meðstjórnendur. Skulu þeir kosnir á aðalfundi til þriggja ára í senn ásamt 3 varamönnum. Enginn atkvæðisbær félagsmaður getur skorazt undan kosningu, nema hann hafi setið 3 undanfarandi ár í stjórninni.

11. gr.

Stjórnin hefir á hendi allar framkvæmdir milli funda. Formaður er fulltrúi félagsins út á við og hefir umsjón með störfum félagsins og fjárreiðum þess öllum. Afl atkvæða ræður úrslitum á stjórnarfundum.

12. gr.

Aðalfund heldur félagið í janúar ár hvert. Aðalfundur er lögmætur, ef hann er boðaður með uppfestri auglýsingu á Stóru-Giljá, Sveinsstöðum og Undirfelli með þriggja vikna fyrirvara. Á aðalfundi skýrir stjórnin frá gerðum félagsins á liðnu starfsári, leggur fram áætlun og tillögur um starfsemi þess á næsta ári. Þar leggur hún og fram endurskoðaða reikninga félagsins fyrir liðið ár, og úrskurðar fundurinn þá. Aðalfundur kys stjórn og 2 endurskoðendur ásamt varamönnum til þriggja ára. Aðalfundur ákveður laun stjórnar og annara

starfsmanna. Afl atkvæða ræður úrslitum mála á fundum félagsins, nema um breytingar á samþykktinni eða félagsslit (sbr. 15., 18. og 19. gr.).

55
22. júlí

13. gr.

Aukafundi heldur stjórnin, þegar henni þykir ástæða til eða $\frac{1}{4}$ félagsmanna óskar.

14. gr.

Reikningsár félagsins er almanaksárið.

15. gr.

Arði af veiði félagsins skal skipt á félagsmenn samkvæmt arðskrá, er lög-mætur stofnfundur samþykkir og hlotið hefir stjórnarráðsstaðfestingu. Arðskráin skal endurskoðuð á 5 ára fresti. Náist ekki samkomulag um breytingu, gildir arðskráin áfram.

16. gr.

Eigi má úthluta arði að fullu samkv. 14. gr. fyrr en eftir aðalfund. Aðalfundur getur ákveðið að leggja allt að 5% af ársarði félagsins í sérstakan sjóð, ef $\frac{2}{3}$ hlutar fundarmanna samþykkja það, enda skal þá félagsstjórn á næsta aðalfundi leggja fram uppkast að reglugerð fyrir sjóðinn.

17. gr.

Brot á samþykkt þessari varðar refsingu samkvæmt lögum nr. 61, 1932.

18. gr.

Samþykktinni má breyta, ef $\frac{2}{3}$ mættra félagsmanna samþykkja breytinguna, og hafi hennar verið getið í fundarboði.

19. gr.

Félaginu má slíta, ef $\frac{3}{4}$ félagsmanna samþykkja það.

Samþykkt þessi staðfestist hér með samkvæmt lögum nr. 61, 23. júní 1932, um lax- og silungsveiði til að öðlast gildi þegar í stað og birtist til eftirbreytni öllum, sem hlut eiga að máli.

Atvinnu- og samgöngumálaráðuneytið, 22. júlí 1936.

Hermann Jónasson.

Vigfús Einarsson.